



**Historia Pelagiana Et Dissertatio De Synodo V.
Œcumenica In Qua Origenis ac Theodori Mopsuesteni
Pelagiani erroris Auctorum justa damnatio exponitur, &
Aquilejense Schisma describitur**

Noris, Enrico

Patavii, 1708

Cap. 1. Cassianus apud Massiliam Semipelagianismi Auctor. De Cassiani
patriâ Holstenii sententia laudata. Plura Guesnay de Cassiano dicta
confutantur.

[urn:nbn:de:hbz:466:1-72486](#)



HISTORIÆ PELAGIANÆ LIBER SECUNDUS.

CAPUT I.

Cassianus apud Massiliam Semipelagianismi Auctor. De Cassiani patriâ Holstenii sententia laudata. Plura Guesnay de Cassiano dicta confutantur.

Hucusque de gestis, ac scriptis Sancti Augustini contrâ Pelagianos dictum est, modò transimus ad eos, qui ejurato Pelagio nonnihil tamen ejusdem errorum retinuere; hos Scholastici Recentiores dixerunt Semipelagianos, quorum cùm Princeps fuerit Joannes Cassianus vir literis, ac morum integritate illustris, de ejusdem origine, atque in Galliam adventu nonnulla præmittenda esse duximus; is enim non modò Massilienses, apud quos Monasterium considerat, Augustino hostes fecit, verùm etiam vicinos Lerinæ Monachos quoad illam de gratiâ prædestinatione ad fidem sententiam in partes contrâ Doctorem Hipponensem traxit, undè gravissimi per universam Galliam tumultus exciti sunt, nonnullis Sancti Augustini dicta acerrimè defensantibus, aliis longè pluribus eadem pertinaciter impugnantibus, quæ omnia in præsenti volumine nobis describentur.

Prodixit anno 1652. Lugduni excusus Liber satis iusta molis inscriptus *Sanctus Joannes Cassianus illustratus auctore Joanne Baptista Guesnay*, qui Xenophontis Cyropaediam imitatus Cassianum non qualis reapse fuit, sed qualem ipse eundem esse voluerit, nobis exhibuit. Initio libri Scythicam Cherronesum fuisse describit, ibique cap. 1. apud Theodosiam urbem, quam Scythicarum omnium principem facit, avitam Cassianorum gentem in honoribus amplissimis, fortunisque maximis constitutam figit. Ex hac, inquit, ortus magni ingenii adolescens Athenas scientiarum discendarum causâ missus nobilem ibidem adolescentulam adamavit, nuptiisque celebratis ex eadem paulò post Cassianum suscepit Athenis natum patre Scythâ, matre indigenâ. Hoc pacto facilito Guesnajus Gennadium, qui Cassianum natione Scyham dixit, cuidam Chronico Massiliensi Monasterii Sancti Victoris, in quo Cassianus apud Athenas natus dicitur, conciliavit. Addit cap. 3. Cassianum adhuc quadrum in Palæstinam à genitoribus

deductum fuisse, atque celeberrimi Monasterii Patribus traditum, quò simul & pietatis, ac literarum rudimenta perdisceret. Addit cap. 6. septenem Athenas revocatum in nobilissimâ Orbis Academiâ gravioribus disciplinis animum addixisse, ibique cum Germano itidem ex Scythâ oriundo arctissimam amicitiam coluisse, cum quo demum, ut scribit cap. 8. in Palæstinam reversus Monachum induit. Quæ omnia sínè ullo teste post annos mille ducentos, & quod excurrit, animosè ille Scriptor afferuit, quasi Cassiani ephemeri idem legisset. At Lucas Holstenius eximia eruditio vir cap. 3. Præfationis ad Regulas Monachorum in Galliis apud Provinciam Cassianum ortum arbitratur, idque non modò ex stylo Gallicanis illius ætatis scriptoribus familiaris, verùm etiam ex ejusdem asceticis Commentariis deduci existimat; nam Collat. 24. cap. 1. scribit: *Quia ad repetendam Provinciam nostram, atque ad revisandos parentes quotidianis acris astibus urgebamus. Quibus verbis Provinciam Provinciæ palam à Cassiano designatam putat.* Præterea hæc de suâ patriâ Cassianus subiicit: *Ipsorum locorum situs, in quibus erat à majoribus nostris arita posse, ipsarumque amoenitas jucunda regionum ante oculos pingebatur, quam grata, & congrue solitudinis spatiis tenderentur, ita ut non solum delectare Monachum possent secretas Sylvarum, sed etiam magna viltus præbere compendia. Quæ Scythicorum desertorum squallori, ac Caucaseis rigoribus minimè convenire posse laudatus scriptor observat.*

Video hanc Holstenii de patriâ Cassiani sententiam viris doctis probari, quos inter ob eximiam eruditioem merito nominandus venit Illustrissimus D. Joannes Gualterius Slusius à Secretis Brevium S. D. N. Clementis X. Et ut verum fatear neque violenter ex eodem Cassiano hoc ipsum colligi videatur. Cùm Germanus, ac Cassianus Abrahamo Ägyptio Monacho desiderium repetendæ patriæ, quo æstuabant, aperuisserent, tale responsum tulere: *Vos, qui summo animi, & corporis nisu in hac regione duntaxat quasi naturam patriæ vestra in multis impugnare conamini, diligenter expendite, utrum in illis torpidis, ut fama est, regionibus, & velut frigore nimia infidelitatis obstrictis hanc, ut ita dixerim, nuditatem sustentare possitis:* Collat. 24. cap. 8. At idem Cassianus Collat. 11. in Præfatione scribit, Eucherium Lugdunensem postea Episcopum in Ägyptum pergere

VO-

voluisse, ut banc quasi frigoris Gallicani rigore torpente Provinciam derelinques ad illas, quas Sol iustitia proximus respicit terras, maturis virtutum frugibus redundantes velut turtur castissimus transvolaret. Ita utroque Provincia, in qua ortus Cassianus fuit, frigore torpida describitur. Præterea Cassianus, ac Germanus Anachoreticam vitam instituere se velle dicebant nullo visitantium subinde Monachorum adventu turbatam, cui tranquillitatem minus apta esse dicebant Ægypti eremos, quod, ajebant, interdum a fratribus frequentati jugi secreto, ac diuturno silentio secundum desiderium nostrum nequam possumus inherere &c. Quod sine dubio nullatenus in nostra Provincia credimus eventurum, in qua aut nullum, aut certè rarissimum professionis hujus virum invenire possibile est. Idem vero in Praesatione Collat. 18. Anachoreticam vitam incognitam ferè in hac regione, nempe Gallicanā, pronunciavit, ubi laudans Minervium, Leonium, ac Theodorum, quies Collationes illas numerat, ait: Anachoreticam sibi sublimitatem vestris institutionibus provocatis. Quarè cum Cassianus juvenis in Ægypto degebatur, incognita ferè Galliis erat anachoretoe disciplina.

Guesnajus è Cherroneo Scythia oriundum Cassianum exhibet, patre quidem, ut diximus, Theodosia civi nobilissimo, à quo Athenis ipse postea genitus fuit, matre Atheniensi. Sed Cassianus se non fuisse Atheniensem disertè ostendit lib. 1. de Instit. cap. 6. ubi describens Monachos Ægyptios ait: Cestant etiam resticulas duplices lanea plexas subtegmine, quas Graci Ægyptiæ, nos verò succinctiora, seu redimicula, vel propriæ rebracliatoria possimus appellare. Nunquam homo Atticus se à Græcis distinxisset. Unde vero Guesnajo Theodosia in mentem venerit, nescio. Non est hic animus singula quæque resellere, quæ de Cassiano idem Scriptor literis mandavit, inanem enim prorsus operam ponerem, atque Lectorum patientia plus justo abuteret; nonnulla tamen hic subjiciam, ut universa illius operis facies cognoscatur. Narrat cap. 7. Cassianum cum Germano arctissimam familiaritatem in Academiâ Atheniensi inter ipsa literarum commercia inivisse, cum tamen Cassianus haec scribat Collat. 1. initio: Cum quo, nempe Germano, mibi ab ipso tyrocinio, ac rudimentis militia spiritualis ita individualiter deinceps contubernali tam in cenobio, quam in eremo fuit, ut cuncti ad significandam sodalitatis, ac propositi nostri parilitatem pronunciarent, unam mentem, atque animam duobus messe corporibus, que repetit cap. 1. Coll. 16. Non ergo in Academiâ Atheniensi, sed in Bethlehemito cenobio arcta illorum amicitia initium auspicata est. Scribit in fine cap. 7. Cassianum ad religiosæ vita studium ardentiæ capessendum à sodali suo Germano excitatum: Quod liberius, inquit, omnem curam, atque operam in cognitione altiorum rerum consumeret, Germani tamen auctoritas, & exemplum infelix, ad altiora Christianæ disciplinæ fundamenta jacienda. At fui statim oblitus in eadem pag. 19. initio cap. 8. ait: Et quidem Germanus, quod docile ingenium natus esset, & obseques, nec ad parendum pericax, ita paulatim mente, sensibusque immutatus est, ut Cassiani verbis in cognitionem veritatis mundana, rerumque eaducarum adductus novis illico exarserit desideriis. Ita contraria subinde pronunciavit. Recte inquit Seneca initio lib. 1. de Clementia: ficta citè in naturam suam recidunt. Varias ibidem Cassiani navigationes, ac peregrinationes narrat, antequam eundem Massiliam deducat. Si navigatio describitur, modò flantibus

Etesiis, tranquillo pelago, plenis velis Cassianus ventur cap. 2. pag. 10. cap. 43. pag. 140. modò eundem adversis fluctibus agitatum, proximumque naufragii facit cap. 5. pag. 12. cap. 19. pag. 52. cap. 24. pag. 76. cap. 30. pag. 85. mare, quando liber, quando luet, pacans, agitans, ac si in utre, ut olim Ulysses, ventos includeret. Exactè etiam instituta à Cassiano navigationis tempora novit; unde cap. 41. Sub exitum anni; at cap. 30. inclinante hyeme navigasse eundem tradit. Si vero terrestri itinere Cassiano per Palæstinam pergendum est, compendiarias quadam vias describit sacra loca visitantibus hucusque incognitas; nam cap. 18. pag. 51. narrat, Cassianum salutationum officiis perfunctum è Bethlehemito oppido profectum Joppem versus stadiis vix quatuor, aut quinque supra octo distarem. Ita auctore Guesnajo Bethlehem nec plenis duobus miliariis Joppe distat, cum tamen sciamus, à Joppe Rammam esse M. P. X. à Ramma Jerusalim M. P. XXXX. Bethlehem vero M. P. VI. Ierosolymis distare scribit Sanctus Hieronymus. Consulenda sunt itineraria Jerozolymitana, ac Geographorum tabulae. Itinerarium Equitis Joannis Zuallardi omnium Italorum manibus teritur.

Anno 398. Joanne Chrysostomo ad Constantinopolitanam sedem evecto, Cassianus, ac Germanus ejusdem Clero adscripti sunt, Germanus Presbyter, Cassianus Diaconus designatus fuit. Guesnajus, ut ubique veris falsa misceat, dicit Theophilum Alexandrinum Chrysostomi electioni se se opposuisse ex jure pretenso à Patriarchis Alexandrinis in electione Episcopi ejus civitatis: Cap. 32. pag. 94. Næ Theophilus vir doctissimus canonem sextum Nicenum ignorabat, qui Alexandrina Diœcesi limites praefixit? Sedes C. P. suberat Primi Autocephalo Heraclensi in Thraciâ; & quidem cum inter confinia Diœcesis Constantinopolitanae interponatur ampla Diœcesis Asiatica Autocephalo Ephesino subiecta, ac plures Patriarchæ Antiocheni provinciæ, unde aliquod jus supra sedem C. P. Alexandrinus Antiles somniare potuisset ignoro. Porro Cassianus palam fatetur se fuisse inter Chrysostomi Clericos lib. 7. de Incarnat. cap. ult. & Gennadius cap. 61. de Script. Illustr. ait: Cassianus natione Seythæ Constantinopolis à Joanne Magno Episcopo Diaconus ordinatus &c. Verum Chrysostomo postea Eudoxiæ Augustæ furore in exilium acto, Germanus, ac Cassianus pro suo Antite Romanus ad Sanctum Innocentium Papam nomine Cleri C. P. Legati venerunt; scribit enim Innocentius haec ipsa in literis ad eundem Clerum: Ex literis charitatis vestrae, quas per Germanum Presbyterum, & Cassianum Diaconum missis, tragediam malorum, quam ob oculos posuistis, anxiam sollicitudinem cognovi. Guesnajus hac Cassiani legatione recitatæ haec addit cap. 35. pag. 106. Designatus fuerat è Romani inter colloquatores Leo Innocentii Archidiaconus vir egregie sanctimonias, atque doctrinæ, qui deinde Sixto succedens ordinatus est Romanus Pontifex, quantique referret hoc etiam commilitone partem, ac studia Chrysostomi stabili Cassianus intelligens, privatis quoque officiis hunc demereri, ac rei controversiations edocere annis sus est. Haec ille: Nolo interrogare unde nam Leonem inter colloquatores designatum accepit, video enim cuncta ex libito sine teste ab eodem scribi; Certè tunc Leo non erat Innocentii Archidiaconus, ut neque etiam fuit tempore Zosimi, qui Innocentio succedit; etenim anno 418. sedente Zosimo erat Eulalius Romanæ Ecclesiæ Archidiaconus, qui contra Bonifacium schisma conflavit; nam in libello suppli-

ci Cleri Romani ad Honorium Imperatorem apud Baronium anno 419. pag. 432. appellatur *Archidiaconus Eulalius*; Id temporis erat Leo Romanæ Ecclesiæ Archidiaconus, quando mortuo Sixto Pontifice ejusdem Successor plenis suffragiis electus fuit, quod contigit anno 440. quarè ultra annos tringinta durasset Leonis Archidiaconatus. Cæterum omnium bonorum vota irrita cecidere, mortuo in exilio Chrysostomo anno 407. die 14. Septembris; quarè Cassianus Byzantio discedens in Galliam se contulit, atque apud Massiliam sedem fixit.

Rursus hic nobis Guesnajus confutandus est: scribit Cassianum post Chrysostomi mortem Romanum venisse, ibique à Sancto Innocentio Presbyterum ordinatum, statim Pelagi tunc Romæ degentis hæresim acerrimè confutasse, quæ fusiū prosequitur cap. 39. Idem cap. 40. Urbis direptionem recitat, additque Cassianum exeunte anno 410. ex Italiâ profectum ad Lerinenses Monachos, deinceps ad Leontium se contulisse, quod cap. 42. enarrat, illum denique in Massiliâ portum appellit cap. 44. Quæ omnia procul à verò abeunt: Nam Pelagius licet Romæ nonnulla contrà divinam gratiam garrire, nondum tamen uti hæreseos assertor cognitus fuerat, imò ibidem adeo celebris habebatur, ut illius nomen, vel apud Africanos eximiè commendaretur, ipso etiam teste Augustino cap. 22. de Gestis Pel. seu rectius Palæstinis: *Priùs absentes*, inquit, & *Roma constituit Pelagi nomen cum magnâ ejus laude cognovi*. Sed cùm Cassianus ex Italiâ in Galliam contendit, profectò non potuit officii gratiâ visitare Lerinenes, aut Leontium; nam cùm Cassianus primum Massiliam appulit, nondum Lerina Monachis habitabatur, & Forojulensem sedem tenebat Sanctus Cylinnius Leontii successor, ut ex ipsomet Cassiano, & literis Sancti Augustini ad Cylinnium ostendam cap. 3. Guesnajus cap. 34. Scriptori nescio quid falsi de Cassiano narrantem vocat *inconsultum, temerarium, ac frigidum fitorem*, additque: *Compungentes Cassiani vitam unâ cum aliis mendaciis istud ipsum præteriisse noluerunt*: Quæ verba suo auctori an potiori jure reddenda sint, alii judicent. Hoc sanè constat, posse nos Guesnaj exemplum imitatos quoruncumque hominum, quorum nudum tantum nomen ad posteros transit, gesta literis consignare, si nullo teste laudato ex proprio cerebro dicta, ac facta quælibet configere liceat, quod non est Heroum virtutes laudare, sed fabulas vendere, ac præclarissimorum virorum gesta ex mendaciis compacta posteritatì irridendæ obtrudere.

Interim Cassianum constructo apud Massiliam cœnobio in ore samæ esse cœperat, quarè Castor Aptensis Antistes egit per literas cum Cassiano, ut commentaria de institutis Monachorum Ægypti sibi transmitteret. Morem gessit Cassianus, ac duodecim de eo argumento libros exaravit, in quibus postremam Pelagianæ sententiæ moderationem secutus posse nos dixit bona opera humanis quidem viribus inchoare, at non sine divinâ gratiâ eadem perficere; scribit enim lib. 12. cap. 14. Nec hoc dico, ut humanos conatus evacuans ab industria, & laboris intentione quemquam revocare contendam. Sed planè constansimè non meā, sed seniorum sententiâ definiō, perfectiōnem quidem sine his omnino capi non posse, his autem solis sine gratiâ Dei posse eam anemine consummari: Ut enim dicimus conatus humanos apprehendere eam per se ipsos sine adjutorio Dei non posse, ita pronunciamus laborantibus tamen, ac desudantibus misericordiam Dei, gratiamque conferri, & ut verbis Apostoli loquar, vo-

lentibus, & currentibus *impartiri*. Ne tamen putaretur sentire Gratiam Dei secundum merita dari, quæ erat Pelagianorum sententia, subjungit: *Dicimus enim secundum Salvatoris sententiam, dari quidem petentibus, & aperiri pulsantibus, & à querentibus inveniri, sed petitionem, & inquisitionem, & pulsationem nostram non esse condignam, nisi misericordia Dei id, quod petimus, dederit, vel aperuerit, quod pulsamus, vel illud, quod querimus, fecerit inveniri*; *Præstò est namque occasione sibi tantummodo à nobis bona voluntatis oblatâ ad hæc omnia conferenda*. Ceterum Cassianum non bono fuisse in Augustinum animo inde colligitur, quod tacitè ejus operosas de divinâ gratiâ disputationes videtur fugillare, dum ad eandem contrâ Pelagianos probandam potiores esse scribit magistros ac duces Ægyptios Monachos, qui ad eandem nos multis virtutum exemplis conducere possunt, quam illos, qui eam demonstrare conati sunt verborum *gallianâ*, cap. 13. *vulniquâ disputatione*, aut *syllogismis dialetticis*, vel *Tullianâ facundia*. cap. 15. quæ Augustinum certè notant, qui unus divinam gratiam tot libris, ac disputationibus contrâ hæreticos stabilivit. Quo anno hosce libros ad Castorem Cassianus prescripserit, mihi non liquet. Saussajus in Supplemento Martyrologii Gallicani ad diem 21. Semptribus tradit Castorem Monasterio ædificato regulam à Cassiano impetrasse, cùmque diu eo in cœnobia Abbatem egisset, Aptensis Episcopum in demortu Quintini locum subrogatum, gravesque cum Arcadii Imperatoris Ministro in Galliis lites habuisse. Sed profectò hæc falsa sunt; Nam, ut nihil de Ministro Arcadii dicam, Galliæ enim diviso inter fratres Imperio ad Honorium pertinebant, Castor jam Episcopus à Cassiano regulam postulavit, ut ex Præfatione Cassiani habetur, in qua Castorem *Beatissimum Papam* vocat, & postea: *In Provincia siquidem tuâ cœnobiorum ex parte Orientaliū, maximè Ægyptiorum volens instituta fundare &c. me quoque elinguem, & pauperem sermone, atque scientiâ, ut aliquid ad expletum tui desiderii de inopia sensus mei conferam poscis*. Sanè Arcadius obiit anno 408. quo tempore nondum lites de gratiâ emergerant, Cassianus verò, ut patet ex lib. 12. à cap. 14. post exortas de eadē gratiâ disputationes volumen illud emisit. Verùm antè damnatam hæresim Pelagi anno 417. ab Innocentio, vel anno sequenti à Zosimo illum scriptisse puto; nam Pelagi sententiam, quæ gratiam non nisi legem esse contendebat, cap. 18. refert, illamque absque ullâ reprehensione dimittit; Ægyptios Monachos divinæ providentiae gratias egisse tradit, quod adjuvat nos, & illuminat, ut ipsum adjutorium nostrum, quod non aliud quidam interpretari volunt, quam legem, intelligere, & agnoscere valeamus. In quibus graviter à Cassiano peccatum est, tum quod divinam gratiam ex Pelagi sensu explicatam citrâ reprehensionem proposuit, tum quod Augustini veram interpretationem tacitus præterivit, data indè fortè Monachis Aptensis errandi occasione; ex quibus ante Pelagianorum damnationem libros duodecim de institutis Monachorum illum Auctorem scriptisse suspicor, nam postea ex libris contrâ Nestorium Pelagianorum hostem Cassianum agnovimus. Cùm vero lib. 2. cap. 9. collationes Patrum vita superstite se literis mandaturum Castori promisisset, crebris ejusdem Episcopi precibus interpellatus manum operi admovet, quod dum prosequitur, Castor diem obit; at ubi decem collationes compilavit, eisdem Leontio Episcopo, atque Helladio Monacho

Monacho dicatas vulgavit; Hinc majus in dies apud Gallos Cassiani nomen evadet. Castor quidem adhuc vivebat anno 419. nam nominatur in Epistola Bonifacii Papæ ad Episcopos Galliae datâ Idibus Junii Monaxio V. C. Cos.

Erant tunc in ore famæ ob vita sanctitatem, ac monastice disciplinæ rigorem Lerinenses; est autem Lerina insula Provinciae adjacens adversus Antipolim. Hi quidem Cassiani volumina avidè perlegabant, adeoque eisdem delectabantur, ut novas à Cassiano collationes efflagitarint. Sanctus Honoratus Lerinensis coenobii conditor, & rector erat, celebres aderant Monachi Eucherius, Maximus, Hilarius, Faustus, Lupus, aliquie, qui postea summa cum laude Gallicanas Ecclesiæ gubernarunt. Eucherius in proximâ Leronis insulâ Anachoretam agebat, Lerinam tamen initio incoluerat, unde suam eandem insulam solebat appellare. Hic septem alias Collationes iteratis literis à Cassiano extorsit, teste codem in præfatione antè Collat. 18. Post conspectum, inquit, atque colloquium trium illorum scum, quorum Collationes sancto Fratre nostro Eucherio compellente utcunque digestimus. In his collationibus liberius de gratiâ, & libero arbitrio sensit, quam in illis prioribus decem, nam licet collatione tertia à cap. 11. usque ad 22. de divinæ gratiæ necessitate differuerit, non adeò tamen confidenter locutus est, ut in Collat. 13. ad Lerinenses; etenim Collat. 3. cap. 15. ait: *Hic quoque & initium conversionis, ac fidei nostræ, & passionum tolerantiam donari nobis à Domino declaravit. Quod intelligens David quoque simillimer orat, sibi hoc ipsum Domini miseratione concedi dicens: confirmata hoc Deus, quod operatus es in nobis, ostendens, non sufficere sibi salutis principia dono Dei, gratiâque collata, nisi fuerint eadem miseratione ipsius, & quotidiana opitulatione perfecta.* Postea: *Hec autem dicimus, non ut studium nostrum, vel laborem, atque industriam quasi inaniter, & superfluo impendenda vacuemus, sed ut noverimus, nos sine auxilio Dei nec ad nisi posse, nec efficaces nostros esse conatus ad capessendum tam innumera premium puritatis, nisi nobis adiutorio Domini, ac misericordiâ fuerit contributum.* Verum licet de initio fidei ita sentiret, capite tamen 16. aperie initialem fidem quandoque viribus liberi arbitrii attribuit his verbis: *In tantum itaque senserunt Evangelici, & Apostolici viri universa, qua bona sunt, auxilio Domini consumari, ut ne ipsam quidem fidem suam confisi sint illesam se posse suis viribus, vel arbitrii libertate servare, ut hanc vel adjuvari in se, vel donari sibi à Domino postularent: ita disjunctim loquitur, quasi non semper fides à Deo donetur, sed quandoque in nobis per nos exorta à Deo confortanda sit.* Rursus cap. 19. ait: *Quod divina sit gratia præstare nobis proventus secundos, atque victoriā nostrum verò esse, ut concepsa Dei beneficia vel intentiū, vel segniū exequamus: Quibus majorem operis perfectionem in liberi arbitrii sub priori gratiâ conatum refundit; sed postea pejus loquitur, nam illud multi Theologorum tueruntur: Quam rationem, ait, etiam illorum cœcorum curatione satis evidenter videmus expressum; Quod enim transit ante eos Jesus, divine providentia, & dignationis est gratia; Quod vociferantur, & dicunt: Miserere nostri Domine fili David, fidei ipsorum, & credulitatis est opus.*

Mast. 9. Hæc quidem Cassianus scriperat Helladio nondum Episcopo, postea verò in Collat. 13. animosior factus non jam titubanter, sed aperie, atque audacter liberi arbitrii vires plus justo contâ Dei gratiam

evexit, nam sinè Dei gratiâ docuit, posse nos habere scientiam boni cap. 12. ubi & gratiam quandoque prævenire liberum arbitrium, quandoque ab isto præveniri tradit: Dici Deum Salvatorem, cùm prævenit, suscepit, cùm prævenitur cap. 17. Posse homines suis viribus habere fidem cap. 14. Spem, & desiderium boni cap. 9. Orare Deum cap. 12. Tentationes vel gravissimas, quales Job passus est, sinè gratiâ posse superari cap. 14. Ne tamen Pelagianam sententiam tenere putaretur, ea bona opera à libero arbitrio inchoari tantum, at sinè Dei gratiâ perfici nullo modo posse dicebat; haec habet cap. 8. Qui cùm in nobis ortum quandam bona voluntatis inspererit, illuminat eam confessum, atque confortat, & incitat ad salutem, incrementum tribuens ei, quam vel ipse plantavit, vel nostro conatu viderit emersisse, & cap. 9. in fine: Ut autem evidentiū claret, etiam per natura bonum, quod beneficio Creatoris induluum est, nonnunquam bonarum voluntatum prodire principia, quæ tamen nisi à Domino dirigantur, ad consummationem virtutum pervenire non possunt, *Apostolus testis est dicens: Velle adjacet mihi, perficere autem bonum non invenio. Rom. 7.*

Tandem invidiosè iterum perstringens Augustinum, uti in libro 12. de Institutis Monachorum dum fecerat, concludit cap. 18. Ægyptios Monachos ad Dei gratiam cognoscendam optimos Magistros esse, quos afferit perfectionem cordis non loquacibus verbis, non inani disputatione, sed re, atque opere divini esse munera didicisse; nisi velimus eos potius à Cassiano intelligi, qui in Galliâ acrius de gratiâ, & libero arbitrio disputabant, sed Semipelagianismi Magistrum Augustino minus detulisse certò scio. Cæterum de divinâ prædestinatione haud sermonem fecit Cassianus, quod forte dum illa prescribebat, nondum Augustiniani Libri de Corrept. & Gratiâ, neque Epistola ad Sixtum, vel ad Paulinum in Gallias delata fuerant, quas postea Massilienses impugnasse testis est Sanctus Pater Lib. de Dono pers. c. 21.

Has collationes septem nostra fuisse editas post annum 426. si non eodem ipso anno emissæ sunt, pro certo habeo; nam Honoratus Abbas Lerinensis circa finem ejus anni in occisi Patrocli locum subrogatus Arelatensem Ecclesiam moderandam suscepit; Patroclum verò occisum anno 426. testatur Prosper in Chronico; at cùm eas Collationes scriptis Cassianus, Honoratus nondum erat Episcopus, ut ex præfatione patet: *Tamen vos, inquit, à Sancti Fratres Honorate, & Eucherio. Reliquas autem collationes septem, quas Monachis in Stœchadibus degentibus inscriptis, cùm hæc ad Lerinenses emitit, jam in manibus habebat, earum enim mentionem facit in fine præfationis ad Honoratum: Si verò sanctam studii vestri similitudinem hæc satiare non quiverint, septem aliæ collationes, quæ ad Sanctos, qui in Stœchadibus consistunt insulis, emittenda sunt, fratres, desiderium, ut arbitror vestri ardoris explebunt.* Has autem editas citrâ annum 429. certum est, nam in præfatione meminit Honorati Episcopi adhuc superstitis, qui initio ferè illius anni defunctus est. Ex his colligitur, neque Prosperum Tyronem, neque Vossium exactam notitiam habuisse, quo tempore collationes publicatae fuerint, dum ille anno 429. vulgatas scribit; etenim non uno simul tempore emissæ sunt, cùm decem priores, itemque septem sequentes antè 426. elucubratae fuerint; Unde cæteris longius à veritate Jansenius aberravit, dum post mortem Sancti Augustini collationes editas scribit co ductus argumento, quod Prosper in Epistola ad Rufinum hisce Cassianum, sociisque

ciosque perstringit: *Quæ si vera sunt, cur ipsi tam negligentes, ne dicant tam impii sunt, ut tam abruptam perniciem ab Ecclesiâ non repellant?* *Tam in sanctis prædicationibus non resistant?* nec sicut aliquibus scriptis eum, à quo talis emanat doctrina, convenient? *Magnâ enim gloriâ juâ humano generi consulerint, si Augustinum ab errore revocaverint;* ex quibus vivente Augustino nihil à Cassiano scripti emissum Irenensis contendit. Vossius etiam putavit in lib. de Hist. Latinis editas à Cassiano collationes anno 432. Sed planè uterque rejicitur ipsomet teste Cassiano, qui in præfatione librorum de Incarnatione contrâ Nestorium editorum anno 430. ait: *Absolutis dudum Collationum spirituallibellis sensu magis, quam sermone insignibus, &c.* Ut interim sileam ante Sanctum Augustinum Honoretum deceffisse, cui septem collationes, & præcipue decimam tertiam, quâ Augustini doctrina pulsatur, Cassianus dicavit. Verborum verò Prospere non is sensus est, qualem ille scriptor autumavit, sed dolere se dixit Prosper, quod Cassianus illis de rebus ad Augustinum non prescriberet eorum, quæ in dubium vocabat, comprobationem intellecturus, sed eidem occultis susurrationibus obloqueretur. Cæterum paulò post aperte collationes Cassiani nominat, ut mirum sit, Jansenium ex illâ Epistolâ in eam sententiam adductum, scribit enim: *Moles ferunt, quod bis, quæ adversum excellentissime autoritatis Virum inter multas Collationes afferueru, resistimus.*

C A P U T II.

Lerinenses Monaci Cassiano contrâ Sanctum Augustinum adbarerent. De Hilario Episcopo Arelatensi id præsertim contrâ vulgarem sententiam evidenter ostenditur.

EX dictis jam tandem patet, undè nam Semipelagianismus in Lerinam navigarit, nempè cum Cassiani collationibus Honorato Lerinensis Monasterarchæ, atque Eucherio Monacho nuncupatis. Vignierius in præfatione ad opus imperfectum Sancti Augustini contrâ Julianum putavit, Faustum Lerinensem Abbatem ex Juliani ejusdem, quem eò appulisse scribit, sermonibus contrarias Augustino opiniones defendendas suscepisse; at ex iis, quæ narraturi sumus, germana ejus apud Lerinam morbi origo innotescet. Anno 428. florebant in insulâ, uti diximus, Honorati discipuli Maximus Abbas, Hilarius Arelatensis, Faustus postea Rejorum Antistes, Lupus Trecentis cum Vincentio fratre, quem auctorem commonitorii vulgo faciunt, illisque proximus Eucherius Lugdunensis, quo impellente Cassianus collationem memoratam decimam tertiam, aliasque sex insuper procuderat; qui verò ex iis in Cassiani partes transferint, paucis ostendam. Et quidem cùm nulla Honorati, nec Maximi, nec Lupi scripta extant, nil sinistro de illis suspicari fas sit; turpe enim est Sanctos illos viros, quorum errata nullo certo testimonio constant, in depravata sententia suspicionem vocare; utinam & de reliquis syncellitis tam sancte judicare possemus, sed illis nulla per nos injurya importabitur, ita enim tunc illis sentire licuit, quando res quæstionis erat, non dogmati, atque exceptâ illâ Augustini sententia de prædestinatione gratuitâ ad fidem, à quâ prorsus abhorabant, in aliis adversus Pelagianos cum eodem S. Doctore conveniebant.

Faustum, qui anno 433. Lerinensem Abbas renunciatus fuit, ut inferius nobis describetur, fuisse

post Cassianum Semipelagianorum Coriphæum nulli dubium est; extant enim de gratiâ, & libero arbitrio duo ab eodem scripta volumina, in quibus Cassiani errores apparent; unde & ejusdem libri in Romanâ Synodo à Sancto Gelasio Augustinianæ doctrinæ tenacissimo rejecti sunt, eosdem etiam impugnavit Sanctus Fulgentius noster Rusensis, aliique ut fusiis ex dicendis constabit. Hæc de Fausto Monachorum Scytharum ad Sanctum Hormisdam Papam Oratores scripsere ad Sanctos Episcopos Africanos, quorum Princeps laudatus Fulgentius erat: *Libros Fausti Galliarum Episcopi, qui de Monasterio Lerinensi proverbiis est, contrâ prædefinitionis sententiam scriptos esse, non dubium est:* Lib. de Incar. & Grat. cap. 8. Sed & Vincentium Lerinensem Cassiano, atque Abbatu suo Fausto mordicis contrâ Augustinum adhæsisse cap. 10. aperte ostendam, idque non ut unque probabilibus conjecturis evincam, sed ex illo ipso commonitorio, ut mirari sati non desinam, viros cruditos, qui laudatum volumen notis illustrarunt, eos in illo nœvos non adnotasse.

Porrò cæteris Lerinensibus Hilarius Arelatensis, & literarum, & sanctitatis gloriâ superior non modò cum memoratis concilii Cassiani sententias defensavit, verùm etiam anno 429. ad Arelatensem cathedralm promotus præcipius inter illos habebatur, qui à Sancto Augustino in quæstione de prædestinatione discedentes Cassiani partes forebant. Video hac in re mihi esse luctandum cum Augustiniani nostri instituti viris doctissimis, eruditissimisque, qui duce nunquam sati laudato Ecclesiasticorum annalium Scriptore ad annum 426. Hilarium Arelatensem Sancti Augustini discipulum, illiusque adversus Semipelagianos propugnatorem strenuissimum publicarunt; & ita planè de Hilario post Baronium sensere Marquez, Herrera, Crusenius, meique amantissimus, ac de Augustinianâ Republicâ benemeritus Aloysius Torellus, quorum sententiam adeò evidenter refellam, ut minimè dubitem, nostros homines à vulgari, ac inveteratâ illâ opinione jam tandem discessuros. Sanctus Prosper datâ ad Augustinum Epistolâ omnium, quæ à Cassiano, ac sectatoribus contrâ ejusdem de prædestinatione gratuitâ sententiam in Galliis disputabantur, certiore faciens, ut editis libris adversantium impetum retunderet, eundem rogavit, addiditque hæc ipsa: *Speramus non solum tenuitatem nostram disputationum tuarum præsidio roboram, sed etiam ipsos, quos meritis, atque honoribus claros caligo istius opinionis obscurat, defecatissum lumen gratiæ recepturos; Nam unum eorum præcipue auctoritatis, & spiritualium studiorum virum Sanctum Hilarium Arelatensem Episcopum, sciat Beatiudo tua admiratorem, sectatoremque in aliis omnibus tua esse doctrinæ, & de hoc, QUOD IN QUERELAM TRAHIT, jam pridem apud Sanctitatem tuam sensum suum per literas velle conferre. Sed quia utrum hoc fakturus, aut quo fine sit fakturus, incertum est &c.* Clarius ne à Prospero poterat Hilarius Arelatensis inter Semipelagianos connumerari? Tradit, insignem hunc Arelatensem Episcopum esse unum eorum, nempè Semipelagianorum, quos eā in Epistolâ describit, qui gratuitam prædestinationem ad initium fidei ab Augustino assertam IN QUAESTIONEM TRAHEBAT. Alter etiam Hilarius Augustini discipulus, & Monachus Augustinianus, qui tunc in Galliis una cum Prospero contrâ Cassianum, & assecras acerimè pro Magistri doctrinâ depugnabat, literas de eorundem Semipelagianorum opinionibus una